



## **Universitätsbibliothek Paderborn**

**Diplomatvm Belgicorvm Libri Dvo**

**Le Mire, Aubert**

**Brvxellis, 1627**

74. Henricus I. Lotharingiae inferioris & Brabantiae Dux, Thenense XII.  
Canonicoru[m] S. Germani collegium fundat ac dotat, an. 1221.

**urn:nbn:de:hbz:466:1-10903**

In urbe porrò Valentianensi, petente Philippo Augusto Francorum Rege, fundus an. 1220. à Ferdinando Comite Franciscanis datus est, ad monasterium exstruendum. Quo tempore inter viuos adhuc supererat S. Franciscus, illius instituti conditor, qui an. 1226. demum obiit. Eodem superitate, ut arbitror, ædificata sunt Lensiense, & Aretabense monasteria, à B. Pacifico : de quo in Fastis Belgicis 10. Iulij egimus.

IN SVLÆ seu Iusula) *Lille* Gallis, nostris *Ryssel*, Flandriæ emprium : quod tomo 1. Cod. cap. 59. laudauimus.

## C A P V T LXXIV.

*Henricus I. Lotharingia inferioris & Brabantia Dux, Thenense*

XII. *Canonicorum S. Germani collegium fundat ac  
dotat anno 1221.*

**H**ENRICVS Dei gratia Dux Lotharingiæ, omnibus hoc scriptum videntibus salutem.

Sciatis quod nos ad præbendas faciendas THENTIS in ecclesia B. Germani, pro salute prædecessorum & successorum nostrorum, & pro nostræ animæ salute, contulimus in eleemosynam eidem ecclesiæ XII. bonaria palidis, quæ tenemus iuxta *Valseberghe*, & decimam de tota palude, quæ primùm ad prata & ad quæcumque commoda fuerit conuersa, scilicet de octoginta & tribus bonarijs, quæ ibidem teneamus, & ad hæc tria terræ bonaria iuxta *Bossi*.

Et ut hæc clausula cunctis temporibus ipsi ecclesiæ sit stabilis & rata, præsens scriptum sigillo nostro sigillatum tradimus. In testimonium testes,

Gosvvinus de Gorencourt.

D. Walterus Decanus Thenensis.

N. Scholasticus de Thenis.

N. de Hopen Notarius, & alij complures,

Datum anno Domini M, CC, XXI.

1221

X 3

NOTA<sub>2</sub>

## NOTATIO.

Canonicatum seu præbendarum ecclesiæ S. Germani Thenensis collatores hodieque sunt per turnum Canonici S. Ioannis Leodicensis. Qua de re vide suprà cap. 65.

## CAPUT LXXV.

*Henricus I. Lotharingia inferioris ac Brabantia Dux Bruxellis, in SS. Michaelis & Gudilæ basilica, collegium minus Canonicorum X. fundat ac dotat anno 1226.*

**H**ENRICVS Dei gratia Dux Lotharingiae, tam præsentibus quâm futuris in perpetuum. Nos considerantes quod ait Apostolus, *Qui parcè seminat, parcè & metet, & qui seminat in benedicti- nibus, metet vitam æternam, seminare proponimus in terris, vnde Domino reddente multiplicatum fructum in cœlis colligere debeamus.*

Cùm igitur in ecclesia Bruxellensi à prædecessoribus nostris pauci sint Canonici instituti, à quibus pro modulo suæ paucitatis Deo laudabiliter seruatur, nos cupientes cultum diuinum ampliare, & Canonicorum numerum augmentare, pro salute nostra, & pro salute animarum prædecessorum & successorum nostrorum, necnon & uxorum nostrarum, MATHILDIS scilicet & MARIAE, liberalites & absolutè memoratae ecclesiæ Bruxellensi, quæ ad voluntatem nostram & admonitionem de novo reædificari incipit, in honorem beatissimæ Virginis Dei genitricis Mariæ, concedimus & donamus allodium nostrum in *Didenghem*, quod comparauimus à nobili viro *Ægidio de Wangha*, & duas partes totius decimæ de *Golpe*, tam in cultis quâm in excolendis, cum ecclesia eiusdem villæ, necnon & quattuor mansos terræ ibidem.

Hæc autem concedimus, ad usum decem Canonicorum, de nouo instituendorum in ecclesia memorata, qui à Decano & Capitulo debent eligi, & nobis & successoribus præsentari: nec aliquid de prædictis bonis percipient, si non faciant residentiam personalem, & si  
admo-